



## **AKCIJA ČIŠĆENJA VAREŠA "VOLIM VAREŠ"**

Više od 50 volontera, uključujući i zaposlenike Eastern Mining kompanije, učestvovalo je u subotu 10. aprila, u akciji čišćenja "Volim Vareš", organiziranoj na četiri lokacije širom ove općine. Organizatori akcije su bili Udruženje odred izviđača "Zvijezda" Vareš, World Vision i Eastern Mining, koji su i finansijski podržali ovu akciju. Cilj ove akcije nije bio samo očistiti grad, već i razviti svijest o važnosti očuvanja okoliša i vlastitim zalaganjem dati doprinos očuvanju okoline i kvalitetnijem životu u ovoj sredini.

Aida Ahmedović, koordinator za socijalno upravljenje u Eastern Mining, ističe da

"ovo nije samo akcija čišćenja, već je način podizanja svijesti kod građana o očuvanju okoliša. U ovoj akciji nisu samo učestovali građani Vareša, već su došli i iz drugih gradova poput Sarajeva, Zenice, Kakanja, Breze."

Podržavajući ovu akciju, koja je samo jedna u nizu, kompanija Eastern Mining pokazala je status društveno odgovorne kompanije, koja pored brige za svoje uposlenike i lokalnu zajednicu, posebnu pažnju posvećuje i jednoj od ključnih vrijednosti, a to je upravo očuvanje okoliša.



"Jedna od ključnih vrijednosti naše kompanije briga je za okoliš i njegovo poboljšanje, stoga rado sudjelujemo u ovakvim akcijama."

Vildana Mahmutović, Menadžer za okoliš i socijalno upravljanje



**AKCIJA POŠUMLJAVANJA**

## **POŠUMLJAVANJE**

Svaki pojedinac može dati doprinos očuvanju okoliša. Eastern Mining se rado odaziva akcijama koje doprinose poboljšanju kvaliteta okoliša u lokalnoj zajednici.

Pošumljavanje dana 03.05.2021. godine su organizovali Udruženje odreda izviđača "Zvijezda" Vareš u saradnji sa JP Šumsko privredno društvo Ze-do kantona d.o.o. Zavidovići – PJ Vareš.

Uz dobru volju i stručnu organizaciju posađeno je 3000 sadnica, koje ostavljamo na poklon budućim generacijama.



## **AKCIJA ČIŠĆENJA NA PONIKVI**

Sa željom da okruženju u kojem radimo i poslujemo damo doprinos u očuvanju i podizanju svijesti o važnosti zaštite okoliša, zaposlenici kompanije Eastern Mining su se pridružili i posljednjoj akciji koju je organizovalo u Subotu, 08. maja, Udruženje odreda izviđača "Zvijezda" Vareš.



Uigrana ekipa, puna energije s osmijehom na licu je uspješno očistila izletište u Ponikvi, koje je jedno od omiljenih izletišta na ovom području. Ponosni na sve do sad uspješno realizovane akcije, radujemo se svim budućim akcijama na unapređenju i zaštiti okoliša. Naša poruka svim ljudima – ne bacajmo smeće, sadimo cvijeće!

@easternmining

# **VOLIM VAREŠ**

# INTERVJU SA ROZALIJOM MUTIĆ

Kulturno nasljeđe, tradicija i očuvanje istog predstavlja bogatstvo i raskoš te daje na važnosti jednoj državi i njenom narodu. Kultura i tradicija su se stoljećima izgrađivale i razvijale sa dolaskom različitih naroda na ove prostore. Tradicija predstavlja trag iz prošlih vremena koji i danas nosimo i ona svjedoči o tome ko smo i odakle smo potekli. Danas živimo u dinamičnom društvu koje sa sobom donosi svakodnevne promjene te možemo zaključiti da pojedine tradicijske vrijednosti postaju zanemarene, gube svoj značaj i autentičnost. Sve više se javlja potreba očuvanja tradicije i kulture iz prošlosti jer ona polako nestaje i isčezava.



Sa željom da bolje upoznamo kulturu i tradiciju ovih krajeva, bili smo u posjeti selu Pogar. Tamo nas je dočekala Rozalija Mutić – čuvar tradicije, kulture, rukotvorina i svega što su nekada izgradile vrijedne domaćice ovih krajeva. Od malih nogu, Rozalija se bavi ručnim radom – završila je kurs šivanja i krojenja, bavi se izradom rukotvorina, heklanjem, vezom, pletenjem. Jednom rječu što se može uraditi rukama, ova vrijedna žena radi.

Rodenja, odrasla i cijeli životni vijek provela na Pogari, predano već više od decenije radi na svojoj etno sobi. Ulaskom u Rozaljinu etno sobu kročite u svijet starina, tradicije i uspomena iz prošlosti i na trenutak zaboravite sadašnjost. Ljubav prema rukotvorinama i starinama nosi još iz djetinjstva, kada je kao djevojčica posmatrala svoje bake i majku u kojima je i pronašla uzor. Puno truda, ljubavi, energije i volje je utkano u opremanju ove etno sobe. Pažljivo birana narodna nošnja, ukrasni predmeti i posude iz davnih vremena ostavljaju bez teksta i u svemu tome se osjeća Rozaljina ljubav prema starinama. Želja jedne plemenite žene, domaćice da vas ostavi bez teksta ulaskom u mali muzej je ostvarena. Ovo je naša prva posjeta njenoj sobi i vrlo rado ćemo se ponovo vratiti da osjetimo duh starina i sjetimo se kako su nekada naši preci živjeli.



**Hvala Vam što ste pristali na intervju u sklopu projekta "Living history project" kompanije Eastern Mining. Za početak nam recite nešto više o sebi?**

Moje ime je Rozalija Mutić, imam 67 godina. Rodena sam na Pogari i cijeli život živim tu. Završila sam kurs šivanja i krojenja i bavim se ručnim radom i izradom rukotvorina, odnosno, heklanjem, vezom, pletenjem, tkanjem, šivanjem, krojenjem. Sve što se može rukama uraditi, ja radim.

**Koliko dugo se bavite rukotvorinama? Od koga ste naučili?**

To sve pripada našoj tradiciji kojom su se bavila naše bake, majke, tako da sam ja kao dijete zavoljela rukotvorine, ali većinu radnji sam sama naučila raditi. Obzirom da sam šila često, poslije rata sam dobila ideju da napravim sve ovo. U tim radovima sam pronalazila mir i utjehu.

**Kako ste dobili ideju za etno sobu? Od kada postoji?**

Ja sam bila članica Foruma žena Pogar gdje smo u Domu kulture imale etno sobu. Međutim, prije 10 godina sam ja napustila Forum i započela raditi na svojoj etno sobi.

**Gdje nalazite inspiraciju za svoje radove? Šta vas najviše inspiriše?**

U svemu što vidim pronalazim inspiraciju. Odnedavno sam počela praviti cvijeće od papira i najlonskih vrećica. Inspiracija je svugdje oko mene.

**Da li prodajete svoje radove?**

Ne prodajem ništa iz ove sobe, nego za prodaju pravim nove stvari po želji kupca.

**Jeste li upoznati sa Projektom rudarenja na lokalitetima Veovača i Rupice?**

Da, redovno pratim i čitam vijesti o Projektu.

**Po Vašem mišljenju, kakav će uticaj imati Projekat imati na život ovog područja?**

Ja se iskreno nadam boljem životu. Na osnovu svega što sam vidjela i čitala, mislim da će biti puno bolje nego sada.



**Šta mislite da će najviše uznapredovati kada se rudnik otvorí?**

Voljela bih da se odlazak mlađih ljudi iz ove općine pa nadam se da će ta omladina imati posao i bolji život s otvaranjem rudnika.

**Smorate li da će Vareš doživjeti svoj ponovni procvat?**

Tome se radujem i voljela bih da se to desi.

**Imate li neku poruku o očuvanju tradicije za kraj?**

Tradicija ima veliki značaj za mene, ali mislim da se ne čuva u velikoj mjeri. Mladim ljudima bih poručila da se počnu interesovati za tradiciju svog naroda, da nauče kako da se počnu baviti izradom rukotvorina i naravno da je čuvaju od nestajanja.



**Adriatic Metals**  
Eastern Mining

# INTERVJU SA LOKALNIM ZANATLIJOM GDINOM. DRAŽENOM JOZELJIĆEM

Kao dio našeg projekta "Living history", sa gdinom. Draženom Jozeljićem smo razgovarali o njegovom zanatu.

## Za početak nam recite nešto o sebi?

Moje ime je Dražen Jozeljić, rođen sam 1983. godine u Očeviji gdje i danas živim.

## Koliko dugo se bavite ovim poslom?

Od završetka školovanja se bavim ovim poslom što znači već 18 godina.

## Kako biste Vi opisali ovaj zanat?

Ovaj zanat nije lak, ali kada čovjek voli ono što radi, kada ima strast za tim poslom, navikne se i onda se radi sa zadovoljstvom.

## Od kad postoji Vaš majdan?

Tačan podatak osnivanja ovog majdana je nepoznat, ali prema nekim podacima otprilike postoji 600 ili 700 godina.



## Koliko se generacija prije Vas bavilo ovim zanatom?

Također, nepoznati podaci jer su ovdje smjenjivale brojne generacije. Zanat se prenosio sa koljena na koljeno, kako mi kažemo. Svi moji preci su se bavili ovim poslom, teško je i zamisliti koliko je to generacija.

## Možete li napraviti poređenje kako je bilo prije, a kako sada u pogledu Vašeg posla?

Danas ima brojnih olakšica uzimajući u obzir mašine koje su preuzele odredene poslove, ali i dalje se radi po starinskom sistemu uz pomoć vode i vatre. U prošlosti nije bilo struje, pa je zato i osmišljen čekić na vodu pa tek kasnije je ubačen i čekić na struju, ali voda je glavna, ona radi sve.

## Koliki je značaj za zajednicu da Vaš zanat opstane?

Gledajući sveukupnu situaciju, čini se da državi nije u interesu da ovaj zanat opstane, ali bila bi velika šteta da nestane. To ne bih volio, ali obzirom da sada djeluju samo tri majdana velike su šanse da se svi i ugase. A trebalo bi da se sačuva i da se njeguje, jer je ovo naša tradicija.



## Da li će uopće opstati majdan poslije Vas?

### Imate li nekoga ko će Vas naslijediti?

To je trenutno nepredvidivo. Nadam se da će opstati.

## Odakle su najčešće kupci koji dolaze? Šta im je najinteresantnije za kupovinu?

Po mom mišljenju ne postoji država u koju nije otisao neki naš proizvod. U posljednje vrijeme, najčešće se prodaje sač, odnosno, peka. Pored toga prodajemo i suvenire, alate, posude i slično.

## Jeste li upoznati sa projektom rudarenja na području Rupica i Veovače?

Jesam poprilično. Mogu vam reći, svi vas hvale i zadovoljni su sa onim što radite.

## Po Vašem mišljenju, da li će i kakav će uticaj otvaranje rudnika imati na Vaš posao?

To nam ostaje tek da vidimo, ali mislim da bi moglo uticati u slučaju potražnje za nekim alatom koji mi možemo napraviti za vas.

## Kako vidite budućnost i život nakon otvaranja rudnika?

Najiskrenije se nadam da će život u općini Vareš biti bolji, da će doći do napretka i da će započeti zapošljavanje svih onih kojima je posao zaista potreban.

## Smatraje li da će Vareš doživjeti svoj ponovni procvat u budućnosti?

Ja bih volio da Vareš doživi procvat i da prestanemo da budemo kraj svijeta. Mislim da ćete vi to uspjeti.

## Imate li neku poruku za kraj našeg razgovora?

Poručio bih svim Varešanima da ne odlaze, da ostanu u našem gradu jer sigurno će doći bolja vremena i prilike.





**Adriatic Metals**  
Eastern Mining

## NOVI OBRAZOVNI SMJER U MJEŠOVITOJ SREDNJOJ ŠKOLI "NORDBAT 2" VAREŠ RUDAR U PODZEMNOJ EKSPLOATACIJI

Inicijativu za osnivanjem novog smjera – rudar u podzemnoj eksploataciji u MSŠ "Nordbat-2" u Varešu, je podnijela kompanija Eastern Mining, te smo zajedno sa rukovodstvom MSŠ "Nordbat-2" u Varešu preduzeli sve aktivnosti koje su potrebne za realizaciju istog.

Nakon što su ispunjeni zakonski uslovi, doneseno je Rješenje ministarstva obrazovanja, kulture i sporta broj: 10-34-20064-03/20 od 19.02.2021. godine, kojim se usvaja predloženi revidirani nastavni plan i program za novi stručni smjer "Rudar podzemne eksploatacije" u trajanju od 3 (tri) godine, u MSŠ "Nordbat-2" u Varešu.

Uvodenjem novog smjera – rudar u podzemnoj eksploataciji, kompanija daje priliku mladim ljudima da ostaju i obrazuju se u Varešu, te da ih podrži u izgradnji njihove budućnosti i prosperiteta u ovom gradu.



Eastern Mining kao društveno odgovorna kompanija čiji je primarni cilj investiranje u ljudstvo kao podršku svim učenicima i učenicama koji žele pohađati ovaj smjer, nudi sljedeće mogućnosti:

- stipendiju za 10 najbolje rangiranih učenika/ica, u skladu sa kriterijima o Zakonima o obrazovanju (projekat ocjena, posebna odlikovanja itd.) u iznosu od 100,00 KM (stotinu konvertibilnih maraka) u trajanju od 10 (deset) mjeseci; ;
- mogućnost plaćenog pripravničkog stažiranja u trajanju od 12 (dvaneast) mjeseci u kompaniji Eastern Mining ; i
- stipendiju za fakultet srodnih nauka u oblasti rada poslodavca, za odabranog stažistu/kinju, koji pokaže najbolje rezultate u toku svog stručnog obrazovanja i stažiranja u kompaniji Eastern Mining.

Važno je naglasiti da kompanija posluje u skladu sa priznatim svjetskim standardima u rudarstvu. Na ovaj način želimo da ohrabrimo mlade ljudi za osposobljavanje i rad u modernom rudarstvu. Naša buduća investiranja ne podrazumijevaju samo investiranja u razvoj rudarskog sektora i mehanizacije, nego to prioritetno podrazumijeva investiranje u ljudstvo.

Ono što nam predstoji u narednom periodu jeste promocija ovog smjera kako u Varešu tako i u susjednim općinama. Cilj nam je da što više roditelja i učenika sazna za ovu priliku koja se nudi te da na najbolji mogući način kako medijski tako i kroz druge aktivnosti predstavimo novi smjer.

Dobrodošli ste i u naš Informativni centar u Varešu, naša vrata su otvorena svakim radnim danom od 08:00 do 16:30 sati za sva dodatna pitanja i informacije koje Vas interesuju u vezi novog smjera.

@easternmining

## RADUJEMO SE ŠTO ĆETE BITI DIO OVE HISTORIJSKI VAŽNE PREKRETNICE U VAREŠU!

### RUDAR U PODZEMNOJ EKSPLOATACIJI

Novo stručno zanimanje u školskoj 2021/2022.

Rudarenje nije posao 19. ili 20. vijeka, već 21-og, 22-og...

Ovaj projekt je podržan od Vlade Tajvana i Europske banke za obnovu i razvoj, a realizovan od strane Centra za razvoj djece i mladih.